

四庫全書

集部

欽定四庫全書

集部

宋元詩會卷十八

詳校官中書臣陸湘

主事銜臣徐以坤覆勘

總校官知縣臣繆琪

校對官中書臣牛稔文

謄錄監生臣王宜

欽定四庫全書

宋元詩會卷十八

兵部主事陳焯編

司馬光

字君實，陝州夏縣人。父池，天章閣待制。光生七歲，儼然如成人。聞講《左氏》，春秋退為家人述之，即了其大旨。自是手不釋卷。寶元初中進士甲科，除奉禮郎、簽蘓州判官。丁内外艱，毀瘠如禮服。除簽判武成軍，改理評補國子直講，以館閣校勘同知禮院從祀。辟通判麟州，進直祕閣。開封府推官修起居注，判禮部同知謙院。時國嗣未立，天下寒心。光與范鎮首發其議，復面請再三。仁宗感悟，遂立。

英宗為皇子加天章閣待制英宗立以議濮王典禮不合請與諸御史同貶神宗即位擢為翰林學士光辭甚力不允未幾任御史中丞所彈劾皆內侍及政本仍還學士遇大事必建言無所避王安石行新法光抗論排之與呂惠卿廷辯切中事情帝雖心是其言阻于安石不能用也以端明殿學士知永興軍請判西京御史臺歸洛編資治通鑑成加資政殿學士哲宗初起知陳州留為門下侍郎請罷新法從之拜尚書左僕射卒年六十有八京師為之罷市光以一身繫天下之望所謂兒童頌君實走卒知司馬使得享年如文潞公宋蓮之興猶未艾也

同錢君倚過梅聖俞

王畿天下樞簿領日填積自非奉朝請九衢未嘗識今

茲到東城胥靡暫逃役近指聖俞君安能不往覲一室  
靜蕭然昏碑貼古壁叩堦讀新詩迷闇得指摘笑言殊  
未足黯然日將夕呼馬陟歸塗燈火已歷歷又知幾何  
時更有重來迹

小雨

雲日互出沒數朝飛雨清瞳矚似欲止廉纖還未晴映  
空輕絲亂著物細珠明葉端危不隕荷心重忽傾喜涼  
高燕舞便溼羣蛙鳴于余亦有得藥碗胡麻生

秋意呈鄰幾沖卿

新涼入閭巷舊暑何人掃筠籠賣紅蓮莎墮墜丹棗蕉  
衫日以疎純扇安能好蟬悲西風樹燕亂斜陽草此意  
屬淵明籬邊幾樽倒

春塘冰

春塘含薄冰澌澌隱隈曲晴日射寒芒柔風折哀玉草  
樹曾未知波光已先綠

八月十五夜懷君貺

昔公在洛師未嘗棄佳節今宵秋半分空羨西樓月天  
色湛澄清風聲吟騷屑笑言不可親引領望金闕

再柬友人

故人音信絕對月動相思清露滴梧葉此懷當告誰秋  
風廣陵郭正是望濤時

寒溪石

穹石正嶄巖寒流更清澈霜飛黃葉擁波濺蒼苔溼谿  
水勿劇來沙鶴方孤立

噴玉泉

蒼崖雙起秋雲齊亂峯遙出如攢屏石稜澁不容馬蹄  
下馬步入荆榛蹊瀑泉沃雪拖白霓落潭橫引成清溪  
老木長藤咫尺迷興闌欲出忘東西

楚宮行

楚王宮中夜未央清歌祕舞會華堂木蘭為柱桂為梁  
隋珠和璧爛同光橫吹乍鳴秋竹裂繁絃初度春雨歇  
九微火樹垂垂滅羅衣紛紛玉纓絕滿朝冠劍東方明

宮門未啟君朝醒秦關日夜出奇兵武安烽火照夷陵

夜意

清夜四無譁深嚴上帝家星翻珠網白斗挂玉樓斜風  
靜虛成韻霜輕未作花還疑漢津客浩蕩寄流槎

金山寺

香刹冠嵯峨松門挂薜蘿風高塵不到岸闊鳥難過欲  
雨江容怒新晴海氣多停舟何所事回望隔烟波

寓泊鄭圃寄獻昌言舍人

旅食緇衣館飄蓬。況自迷樹橫寒霧。遠山隱古原。低愁暮空庭。雀驚晨。別墅雞。故人何處在。依約玉繩西。

和宋復古小園書事

飽食復閒眠。風清雨霽天。葉深時墜果。岸曲乍藏蓮。波面秋光淨。林梢夕照鮮。東家近亦富。滿地布苔錢。

晚春病起呈擇之治臣

風日正和柔。身輕喜病瘳。懶拋殘蠱簡。暖脫敝貂裘。值客開青眼。逢花忘白頭。家家好春色。何處可同遊。

春日思景仁

去歲洛城中嬉遊處處同從離嶠嶺北常夢潩泉東草  
遶春街碧花繁夕市紅臨風默惆悵想像白眉翁

送趙書記

衆之官華州

車馬出城外瀟瀟未有塵辭梁猶帶雪過洛漸生春幕  
府斜依嶽闢山四抱秦襄來棄繻者今日復何人

送華亭沈主簿

執袂青門道蕭蕭馬欲東暮雲零落翠遠樹淺深紅楚

澤吟聲裏吳山醉眼中相思杳何許野鶴唳高風

送僧聰歸蜀

翠柏老精舍紅塵倦帝城千山一錫遠萬里片雲輕江  
棧紓還直天星縱復橫聽猿應更喜還是故鄉聲

送張寺丞覲知富順縣

漢家五尺道直吏撫南夷欲使文翁教兼令孟獲知盤  
羞蒟醬實歌雜竹枝辭取酒須勤醉鄉闌不可思

送呂濟叔李公素使北

雲愁雪欲零四牡出郊坰古塞烟華紫寒沙日氣青金

門祕雞樹朱節耀龍庭幾夜天街北遙瞻漢使星

送謝都官頌知光化軍

旣吏整車馬恩恩辨曉裝青綢出閭闔朱旆指滄浪野  
店杏初發津亭柳已黃行行不可駐猶及勸耕桑

送劉觀察從廣知洛州

漢家英俊士衆衆出金闈久襲通侯籍新腰太守章畛  
封連故趙廬井帶清漳春色迎銃吹應忘道路長

送李尉以監丞致仕歸閩

行行歌式微浩歎返荆扉卻著登山屐盡焚趨府衣溪  
清魚影亂竹闇筍芽肥應悔浮名誤空將白髮歸

送瀛州簽判蘓祕丞

宋

高陰十萬兵幕府籍時英塞上風猶勁闢南春未生投  
壺邊柝靜倚馬檄書成不忘塵中客征鴻可寄聲

送章伯鎮知湖州

江外饒佳郡吳興天下稀尊羨紫絲滑鱸鮆雪花肥星

斗寒相照烟波碧四圍柳侯還作牧草樹轉清輝

送王伯初通判婺州

焜爚屏星駕迢遙婺女區嵐光晴向背溪溜暖灤紆萬  
室鳴機杼千艘隘舶艤若逢者舊問能說隱侯無

送程端明知成都

高陽將幕開濯錦使旌來欲識闢頭雪正如江上梅宵  
衣矜遠俗露冕寄良才豈待三年最脩梧茂帝臺

郭氏園送張仲通刺棣州

名園送嘉客冠蓋去傾朝小雨塵微歛輕寒酒易消鴈  
歸春近塞日上海生潮北道平如掌東風五馬驕

送裴中舍

士傑

赴太原幕府

元戎台鼎舊大府節旄新邊堠正無事賓筵斯得人山  
寒大行曉水碧晉祠春乍釀葡萄酒飛觴不厭頻

送雲卿知衛州

汗簡成新令褰帷刺劇州韋平家法在召杜治聲優野  
竹交淇水秋瓜蔓帝丘三年歸奉計肯顧石渠遊

送魏寺丞 廣 赴辟秦州判官

征西大府開後乘得高才區脫風烟靜渠摻職貢來隴  
雲低玉帳羌舞奉金罍信美從軍樂寧煩王粲哀  
次韻和江鄰幾九月五日省直

羣驥布路散瘦馬解鞍迴雨闌蟲聲樂秋深菊意催圖  
書紛自適僚友邈誰陪何以消寒夜殘醪不滿杯

華清宮

新豐雞犬稀薊北馬秋肥金殿翠華去玉堦紅葉飛荒

林上路廢溫谷舊流微嗟此前人事何須問是非

觀僧室畫山水

畫清禪室冷方暑久徘徊不盡林端雪長青石上苔心閒對巖岫目淨失塵埃坐久清風至疑從翠澗來

歸田

松竹陶潛宅蓬蒿仲蔚家行遊筇杖瘦嘯傲幅巾斜屋小疎茅覆門深亂柳遮村童迎客至曳帚掃桃花

酩羹

軍厨重羊酪饗士舊風傳不數紫尊滑徒誇素鮆鮮爛  
蠶煩桐取勺藥助烹煎莫與吳兒說還令笑茂先

野菊

野菊未嘗種秋花何處來羞隨衆草沒故犯蚤霜開寒  
蝶舞不去夜蟲吟更哀幽人自移席小摘泛清杯

秋夜

城上調秋角烟間發暝鐘風枝搖宿鳥霜草覆寒蟲久  
負觀書樂端愁束帶恭暫因羣吏散還得遂幽慵

六月十八日夜大暑

老柳蜩螗噪荒庭熠燿流人情正苦暑物態已經秋月  
下濯寒水風前梳白頭如何夜半客束帶謁公侯

漢宮詞

首蓿花猶短葡萄葉未齊更衣過柏谷走馬宿棠梨送  
旅聊懷璽田間共鬪雞猶思飲雲露高舉出虹蜺

客思

客思倦飄泊居然感物華闌頭望紅葉馬上見黃花薄

宦終無定閒愁詎有涯今朝書至否幾夜夢還家

送李益之侍郎致政歸廬山

儒業金章貴歸心白鶴孤江山依舊在冕軒鄉來無嘯  
詠誰當共登臨未索扶浩然知此樂迥與世人殊

送昭遠兄歸陝

種種親頭白帝城難少留倚門應有望列舅本無求清  
夜多歸夢紅塵壓舊遊此行殊捧檄轍下五驛驅

史館任祠部轉運河東

聞望簪紳舊恩華雨露重圖書周內史汾澮晉全封秀  
發千尋壁寒生百鍊鋒歸時門有戟惜別更從容

送羅郎中金管勾玉局觀

官名為玉局已使俗塵疎鐘出寒松迴香凝古殿虛鄉  
閣非甚遠俸祿豈無餘誰道神仙樂神仙恐不如

奉和始平公憶東平

相印東臨汶水陽兩看春葉與秋霜登山置酒延鄒湛  
上馬回鞭問葛彊谿竹低垂寒滴翠露荷相倚淨文香

宵衣深念長城固肯待從容傲醉鄉

和運使舍人北園餞別行憩三交僧舍冒雪宿百

井闌見寄

驪駒北上雪辱顏韁矢前驅度漢闕僧室松杉青照眼  
驛亭煙火迴依山馬銜邊草枯猶瘦鴈怯燕雲冷未還  
賤子不須回首問鬚毛蕭颯薄書間

和景仁西湖泛舟

滿船歌吹沸春灣天外晴霞水底斑誰信飛觴臨綺席

獨能回首望青山，東門車馬匆匆別。  
西洛風煙寂寂間，疊石溪頭應更好。  
祇輸野叟坐林間。

酬宋叔達卜居洛城見寄

離羣四十一，春風縱有相思似夢中。  
幸得遭逢作鄰舍，惟嗟彼此是衰翁。  
漢文前席人將去，庾信誅茆橐未充。  
悵望金隄碧蕪閣，杖藜攜手幾時同。

夕宿獨樂園詰朝將歸賦詩

平曉何人汲井華，轔轔聲發散。  
春鶗開園更有四五日，

映葉尚餘三兩花宿病岑岑猶帶酒無眠耿耿不禁茶  
自嫌行樂妨年少遽索籃輿且向家

和邵堯夫年老逢春

二首

年老逢春春莫咍朱顏未肯似春回酒因多病無心醉  
花不解愁隨意開荒徑倦遊滋碧草空庭慵掃自蒼苔  
相遇談笑猶能在坐待巾車陌上來

年老逢春猶解狂行歌南陌上東岡晴雲高鳥各自得  
白日游絲相與長草色無情盈眼綠花林多思襲人香

吾儕幸免簪裾累痛飲閒吟樂未央

酬邵堯夫見示安樂窩中吟

安樂窩中自在身猶嫌名字落紅塵醉吟終日不知老  
經史滿堂誰道貧長掩柴扉避寒暑只將花卉記冬春  
料非空處閒吟客乃是清朝避世人

和伯常見寄

誅茆宋玉宅邊人知醉宜春幾甕春細雨短蓑漁向市  
孤邨極浦鼓迎神徧遊七澤身忘倦更賦千篇意轉新

不必滄浪美清泚向來纓上已無塵

二月三十日與同舍宴李氏園晚歸馬上賦詩

門前蹀躞金羈滿座上連翩玉筳飛數尺游絲留客醉  
一行垂柳送人歸同邀勝友時難得再到名園花已稀  
莫惜芳春賸行樂無端風雨橫相違

和吳省副中復字中庶梅花半開招覨由張司封飲

伯玉

字公達

帝鄉春色嶺頭梅高壓年華犯雪開正與嘉賓思共醉

不須芳物重相催從軍貯酒傳呼出側弁簪花倒載迴  
風雨難期王事劇未知休沐幾旬來

和子華招潞公暑飲

朱門近在府園東杖屨過從跬步中避暑連翩投轄宴  
析醒瀟灑入懷風間來清韻渾如鶴醉裏朱顏忽變童  
剪燭添香歡未極但驚銅漏太匆匆

和君貺宴張氏梅臺

京洛春何蚤憑高種嶺梅紛披百株密爛熳一朝聞青

女工黏綵霜娥巧剪裁。崑山雪滿谷，蓬渚浪成堆。勢擁樽前合，香從席下來。蜺旌壯天起，練甲洗兵回。不使光風散，曾無夜色催。人稠衣馥郁，地狹舞徘徊。民服召公化，時推何遜才淹留。丈酒樂璧月，上瑤臺。

送張少卿學士子憲知洪州

相府典型在，朝閨望實高。袖書榮史觀，典樂重卿曹。夷路迎飛輶，桑林應奏刀。家瀛傳舊學，廟鼎刻前勞。袞服屯千騎，連橋闊萬艘。劍芒衝夜氣，閣影動秋濤。風色傳

花信烟嵐拂酒膏使君專問俗無意在遊遨

清明上巳兩泛洛川和君貺

繁華兩佳節邂逅適同時雅俗共為樂風光如有期曉  
烟新里巷春服街津涯已散漢宮燭仍浮洛水卮占花  
分設席愛柳就張帷華轂爭門去疎簾夾路垂一川雲  
錦爛四座玉山欹疊鼓傳遙吹輕鐃破直漪清談何爽  
來和氣益熙熙想見周南俗當年播逸詩

范 鎮

字景仁成都華陽人薛奎守蜀一見愛之俾子弟從學及還朝載之入汴舉進士禮部奏名第一及廷唱例得越次自陳而鎮獨不然同列異之調新安主簿召試學士院當得館閣校理主司妄以為失韻抑補校助鎮處之泊如用宰相薦超授直祕閣擢起居舍人知諫院疏陳軍國大計深切時弊時仁宗在位久未有繼嗣廷臣莫敢先言者鎮首先章而執政目為希名干進鎮貽書抗折之因見上面陳至于流涕司馬光贊之遂定策立英宗即位遷翰林學士坐濮議不合出知陳州神宗初復為翰林學士知通進銀臺司極言青苗為唐宋世之政不足法民猶魚也財猶水也養民而竭其財猶養魚而竭其水也疏五上痛詆王安石安石大怒持其疏至手顙自草制俾以戶部侍郎致仕哲宗立拜端明殿學士且以為門下侍郎鎮固辭加銀青光祿大夫再致仕累封蜀郡公薨年八十一

文 謚忠

武侯廟柏

滿葉是清霜培根無沃土恥作秦皇松寧為馮異樹英  
靈自有風蔭蔚長如雨可憐青青姿不知人事古

淨衆寺新禪院

金地西郊外一來煩惱攏凡逢似仙境鮮不屬僧居岸  
綠見翹鷺溪清無隱魚殘陽已周覽欲去幾躊躇

送羅勝卿同年提舉玉局觀

足馬西歸去知君得意偏人情重鄉里官職更神仙曉  
後無衙鼓旬頭有俸錢何須駕白鶴辛苦上青天

送羅郎中登管勾玉局

五門門裏觀松檜日蕭疎道話忘心境仙歌作步虛壇  
塲高突兀廊廡曲紆餘世事多紛擾君心定了如

韓太丞同守成都次韻

二首

盛府佳招貴嚴宸雅寄深輿題仲舉至闕挂子年心漢  
竹分新契潘花過舊陰當年百里驥方此試駿駿

春色草將深春寒柳未陰青天指行棧渌水蕩離襟後  
乘何為託前旌喻此心南枝倦飛翼憑為寄歸音

遊昭覺寺

炎蒸無處避此地忽如寒松砌行無際石房禪自安鴛  
鴦秋沼漲蝙蝠晚庭寬登眺見田舍衡茅半不完

和問寺丞海雲寺

春日金田驩且謹始因民俗好紛奢管絃齊奏喧聞野  
鶯鶯高飛不在花雕檻凭時見城郭迴廊行處有烟霞

方塘靈石從來信不獨當年太守誇

登崇聖閣

金地環迴半錦城  
累年斤斧不停聲  
遠村民舍烟未起  
滿寺僧筵鐘盡鳴  
欄檻高低資眺覽  
市廛言笑尚分明  
阿房昔日徒虛語  
壯麗應誇此畫楹

和成都吳仲庶見寄來韻

歲華今緩昔如流  
舊日樊籠可自由  
官事了時無盡極  
人生安處且閒休  
愚忠皎皎丹心老  
歸思綿綿兩鬢秋

縱使海棠時節過急行須及浣花遊

遊學射山

幾年魂夢寄西州春晚歸逢學射遊十里香風塵不動  
半山晴日雨初收指麾赤隊呈飛騎次第紅妝數勝籌  
夾道綺羅瞻望處管絃旌旆擁遨頭

送程端明再鎮成都

成都一都會千里帶坤維自昔公坐嘯至今人去思朝  
廷慎東注方面要安綏遂爾重藩屏因之職嚴帷龍光

出劍外謳頌走江湄曉雪離都馭春風入境旗壺漿故  
父老竹馬舊童兒疊足相歡躍同心仰福禧邦人顧若  
此邑子更何期會講中和化重為樂職詩

孟縣萬艘潭

私船官運渡縱橫萬貨相通繞近城燈火夜涼人未散  
古潭宜復萬艘名

范祖禹

字淳甫一字夢得其生也母夢一偉丈夫自稱鄧  
禹入寢室遂以為名幼孤叔祖鎮撫育如己子登

進士從司馬光編通鑑于洛十五年不仕用光薦為祕省正字王安石當國尤愛重之祖禹竟不往謁神宗崩哲宗方幼祖禹屢上書宣仁后期以保聖躬育聖德反復拳拳及宣仁崩祖禹慮小人乘間害政又力請辨析是非深拒邪說章數上不報而章惇用事出知陝州連貶徙賓化卒年五十有八按廣東化

州有范祖禹墳

### 資州路東津寺

山行無晨暮日暝崖谷昏哀猿落客淚永路驚旅魂憑陵高山巔俯視大江奔迴環島嶼合灤轉洲渚屯行雲赴炎火飛鳥下蜀門地遐怪蛇聚寺古深殿存憶昔李

氏末烟塵暗中原姦雄競草竊割據窮海根干戈百年  
後見此敗屋垣我來屬清秋登覽無俗喧山深虎豹歸  
水靜蛟鼈騫臨風獨嘯叱浩蕩欲飛翻

月夜船行入資川

憶昨臥碧山蒼蒼叢桂間白雲為屏石為枕綠蘿長挂  
明月閒忽乘輕舟泛江水山月隨人還在此白鷺鷗飛  
宿靄閒青山倒卧蒼波底此時孤櫂發中流川後停波  
聽櫂謳不學子猷中夜返欲乘明月向資州

多病

多病心牢落，經秋鬢颯然。  
風乾桐葉地，雨冷菊花天。  
舊隱荒江漢，新居俯澗瀍。  
西都長夢想，何日賦歸田。

韓維

字持國，開封雍丘人。忠獻韓億第五子。以進士奏名，禮部方億輔政，不肯試。大廷父疾，閉門不仕。宰相薦其嗜學恬退，召試學士院，辭不就。授檢討知太常禮院。於議陳執中謚公直，不阿乞罷。禮院通判涇州，神宗封王，兩為記室參軍。名同修起居注侍講，邇英殿進知制誥，知通進銀臺司。遇人才進退，多所執諍。神宗即位，除龍圖閣直學士，以議王陶、吳奎事求去。知汝州數月，召兼侍講判太常寺。

熙寧二年遷翰林學士知開封府明年為御史中丞以兄絳在樞府力辭之王安石亦惡其言保甲事復使為開封俄兼侍讀學士充羣牧司安石益惡之因請郡出知襄州許州七年二月入為學士承旨加端明殿學士再出知郡請提舉崇福宮元祐初拜門下侍郎復罷知郡久之以太子少傅致仕紹聖中元祐黨謫崇信軍節度卒年八十二億子絳維縝皆位公府史稱絳適於同縝適於嚴而維適於正維其賢哉絳縝亦俱能詩世無傳本惟得絳一首附後

### 舟中夜坐

晴霜落波底斗柄挿堤外扁舟燈火明樽酒夜相對臨歡意暫遣念離心已晦篙師喜冰拆理櫓事晨邁

服除送兄弟還都

日月忽已遠再見新穀升喪期有常數吉我襟與纓俯仰自悲吒淚下肝腸崩尚惟立身報未即泯餘生肅肅忠獻公秉德輔休明報國有遺意訓言獨自聽況承主恩厚兄弟秩王廷一朝出門去事業各有營上當報君仁下以為親榮獨余抱疴療謝喧守柴荆掃塚奉時祭復田課春耕既無公家責聊徇涓者情出處雖云殊要以道為程

覽梅聖俞詩編

夙昔誦佳句，跂予慕高風。  
何意憂艱餘邂逅，此相逢。  
君初應府辟，奉檄來自東。  
引車窮簷下，眷然顧微躬。  
姿表穆以秀，純德信內充。  
乃知文章作中興，性情通煌煌。  
新詩章垂光，照昏蒙。  
啟櫟挹荆璞，引蓬撞景鐘。  
高篇屢云闕，遠思殊未終。  
譬如巧琴師，哀彈發絲桐。  
中有沖淡意，要以心志窮。  
顧惟昧者聽，莫辨徵與宮。  
安得牙曠手提耳，發其聰。

鋤園

上天浩無私衆草同一榮青青十步間薰臭相雜并卉  
藥數不多十百其品名蔓者善緣附結陰在高甍脩竹  
雖自立已復困纏縈其餘叢與株蕪沒不自呈陰蟲穴  
其下日夜百種鳴紛然亂耳眼我意初不平朝鋤忽以  
盡暮雨且復生自念疲病者莫與地力爭盛衰固物理  
安用勞我形

答象之謝惠黃精之什

仙經著靈藥茲品上不刊服之歲月久衰羸反童顏巖  
居有幽子乘時廝蒼山溪泉濯之潔秋陽暴而乾九蒸  
達晨夜候火不敢安持之洛城市誰復著眼看富貴異  
所嗜口腹窮甘酸貧賤固不暇錐刀乃其干坐使至靈  
物委棄同草菅惟君沖曠士敦然守高閒食之易為力  
天和中自完故以此為饋其容幾一簞報我三百言浩  
浩馳波瀾何以諭珍重如獲不死丹方當煩燠時把玩  
毛骨寒他年靈氣成與子驥雙寫

晚過葆光亭步月

浮沈間里間放志謝維繫行貪月色靜歸犯霜華溼寒  
鼓出城重飛星過樓急却想竹庭下主人猶獨立

和永叔小飲懷同州江十學士

翰林文章伯好古名一世家無金璧儲所寶書與器北  
堂冬日明有朋聯騎至新樽布几案二鼎屹先置大鼎  
葛所銘小鼎澤而淬坐恐至神物光怪發非次羣賢刻  
金石墨本來四裔紛攘羅卷軸指擿辨分隸其中石贊

藏家法非一二精莊與飄逸兩自有餘意興來輒長歌  
歡至遂沈醉顏饑足簞瓢韓飲尚文字乃知內可樂不  
必鐘鼓貴溫溫江鴻翊茲理久所詣賦詩多雅言嗜酒  
見淳氣歲宴不在席使我增歎喟

遺吳沖卿大饗碑文

蒼碑剝龍螭突兀古殿側世變文字異歲久苔蘚蝕諒  
非好事者塵土未嘗拭我來仰首看百過不自息曩者  
魏方盛帝丕託威德馳驅百萬衆南指斗牛城誓將殄

氣浸飲馬長江邑翠華鬱回翔高會誇故國肅肅環珮  
響煌煌羽旄飾鼓鐘何鏗鎔淮漢為震仄罷饗示得意  
摛文永鑑勒從臣梁孟皇隸法當世特奉詔無與讓淋  
漓奮其墨爾來幾千歲卓卓見筋力端坐九鼎重勁挺  
羣珪植威儀商山老氣象漢庭直惟昔銘拘戈先儒固  
難迹況我鄙陋極視此空歎息常恐日磨滅不辨點與  
畫呼工模於紙一掃見白黑緘包比瓊瑤把玩廢寢食  
于時大經九有詔講謬忒刊之太學中為後代法式沖

卿邦家彥學問古今積辭端海鯨運筆力霜鷺擊況茲  
服儒官灑翰固其職楷模所流傳歷世動千百自非體  
法正徒使觀者惑厥初篆草隸根本君已極聊持釘張  
覩庶以參得失

弔杜少陵墓

三尺孤墳在空留萬古名風騷誰是主天地太無情入  
夜月虛白蓬春草自生耒陽江色迴憑弔恨難平

西墅

城居不為愜言適西陂岡雀噪野堂靜鷄鳴春日長書  
棚落幽蠹佛幔掩餘香釋子廬巖至清談殊未央

春朝

燕語聞多日蠶眼過幾宵花深不辨蝶柳暗欲迷橋便  
面金環重障泥玉勒驕黃公酒爐上誰貰阮孚貂

象之以山藥見贈

龍山有游客贈藥滿筠籠葉漬沙泉碧苗分石賣紅斲  
應侵曉露來喜及春風却笑丹砂遠辛勤勾漏翁

自靜教院晚步潩上

雪盡岡頭路風和臘後天人安閒散內鳥下寂寥前凍  
水晴初浪荒城晚自烟西橋車馬急歸意尚留連

和景仁元夕

月上朱樓角風搖翠篠層傳聲回步輦滿目爛行燈簫  
鼓千門沸弓刀萬馬騰詩翁懷盛事眉雪慘霜稜

奉和喬年館宿

蓬萊仙構斗魁旁遞直初登漢署郎雲向城頭收暝色

月從樓角放寒光行看砌菊嗟殘艷坐對書芸襲暗香  
景物過清渾不寐素經讐罷得新章

時喬年  
校醫書

寄題蘓子美滄浪亭

聞君買宅洞庭傍白水千畦挿稻秧生事已能支伏臘  
歲華全得屬文章鷁飛靈鳳知何暮蟠蟄蛟龍未可量  
莫以江山足清尚便收才業傲虞唐

寒食出郊

都門氣象雨餘佳歷盡風塵見草芽日薄風和近郊路

朱紅粉白遠林花堤間獨去婆姍女柳下相逢輕轆車  
絲鬢未催樽酒在不須辛苦問年華

城西

繡鞅金羈千里塵共傳恩詔樂芳辰千重翠木開珍囿  
百尺朱樓壓寶津御柳初長遮雉宮花未識駭遊人  
自憐窮僻看山眼來對天池禁藥春

和詹叔遊廬山見寄

香爐峯色壓羣山仰眺頻欹使者冠江面烟波搖紫翠

佛宮金碧照清寒  
密藏幽谷梅千樹  
散走鳴泉竹萬竿  
今日頓驚塵慮盡  
一章佳句雪中看

和朱主簿遊園

白首昏昏度歲年  
忽聞春至便開顏  
溪頭凍水晴初漲  
竹下名園畫不闕  
旋得歌詞教妓唱  
遠尋梅艷喚人攀  
如今尚有官拘束  
解組歸來始是閒

登湖光亭

雪盡塵消徑露沙  
公家池館似山家  
翠痕滿地初生草

紅氣通林末放花匝岸平波清照鴈壓城危榭斗回鶴  
自慚白首猶圭組此地年年賞物華

和子華

沈陰消盡見春和初放扁舟泝綠波水際踏青憐日暖  
林間舉白為花多狂從田婦窺籬看醉任家童刮鼓歌  
年少縱歡饒點檢老懷終不挂誰何

和謝主簿游西湖

雲陰開刹日光穿和氣隨風近酒船湖面波清渾見底

樓頭山碧自生烟興長不忍回孤櫂歌懶才能逐緩絃  
因子樽前話歸計醉魂先到峴山邊

景仁招況之聞用歌舞望門而反作詩戲之

一夜嚴風結素波盍簪寧避曉寒多范滂攬轡方清俗  
墨子回車豈惡歌雲外鴈寒驚歲晚林間鴉語弄春和  
知君不久承寬詔始奈紅裙綠酒何

襄相分惠景仁以詩將之

荊州解綬十經春迴夢青林遶漢濱霜氣輕寒催紺實

諸波餘潤作甘津  
僧園採掇寧論數  
客路奔馳竟占新  
雪意垂收高會缺  
分金聊助席間珍

謝堯夫寄新酒

故人一別兩重陽  
每欲從之道路長  
有客忽傳龍坂至  
開樽如對馬軍嘗  
嘗怪杜詩曰洗盞問嘗對馬軍及得  
錦屏山題名有寄河南府使馬軍送  
新酒者然後躍然  
定將瓊液都為色  
疑有金英密借香  
却笑當年彭澤令  
籬邊終日歎空觴

寄秦川馬從事

往歲游西謁季長隴雲秦樹勝風光分題紅葉蠻牋膩  
對舉流霞綵袖香宴洽翠娥蓮象榻夜寒嬌鳳泥銀簧  
未知蚤晚重攜手惆悵而今鬢已蒼

春霽憶洛陽

少年結客洛陽時間傍東風駐馬蹄山色遠饒潘岳宅  
波光輕撼窈娘堤花繁到處紅如堵酒好尋常醉似泥  
賴有金臺舊知已應憐魂斷虎牢西

晚春

春暉東去月收弦却拂凝埃敞北軒幾曲雲屏空白晝

一簾花雨自黃昏庭蕪碧合陰蟲息牕樹紅稀鬪雀喧

細憶舊歡都入夢習家池上子山園

酴醿花

細倍繁英次第開攀條盡日未能回不如醉臥春風底  
時使清香拂面來

洛城雜詩

上東門外春三月桑葉陰陰覆菜花密竹亂流行逕絕

桔槔鳴處是人家

和杜孝錫展江亭

二首

斜日低雲動水光偶尋佳處閑羣芳城闕不隔和風度  
吹過千花百草香

驚鶯飛鳴避畫橈游人笑語過朱橋賈家園裏花應謝  
綠遍牆頭野杏梢

韓絳

附

字子華維之兄也性尚奔競附王安石以保祿位愧持國多矣官階雖崇概無足紀

遊鴻慶院

久旱雨初足樂遊春正深喧闐觀士女清曠入山林佛  
界雲成寶僧園地布金方塘探子石高閣盍朋簪沙水  
通溪白松筠逐徑陰紛華從滿目幽寂自虛心印組端  
為累巖扃得暫尋晚風吹綠野歸騎已骎骎

蔡確

附

晉江人其父徙居於陳確生而多智不謹細行第  
進士調邠州司理參軍以賄聞韓絳宣撫陝西見  
所製樂語才之薦於弟開封尹維辟為掾屬用王  
安石鉅綰薦致通顯確善察人主意當為御史

時知神宗已厭安石輒疏其過以貢直名每劾去  
一人即奪其位居之士大夫交口唾罵而確自知  
制誥至參知政事皆用此術得官揚揚然自謂愈  
快也元豐五年拜尚書右僕射兼中書侍郎哲宗  
立轉左僕射兼門下詫請傾險積不為公論所容  
元祐元年罷知陳州明年坐弟碩事徙安州又徙  
鄧州其在安陸遊車蓋亭賦詩十章知漢陽軍吳  
處厚上之以為皆涉譏訕其用郝處俊上元間諫  
唐高宗欲傳位天后事語尤刻毒  
遂責英州別駕安置新州卒貶所

### 新州悼侍兒

鸚鵡言猶在琵琶事已非傷心瘴江水同渡不同歸

### 夏日登車蓋亭

公事無多客亦稀朱衣小吏不須隨溪潭直上虛亭裏

臥展柴桑處士詩

一川佳景疎簾外四面涼風曲檻頭綠野平流來遠櫂

青天白雨起靈湫

靜中自足勝炎蒸入眼兼無俗物憎何處機心驚白鳥  
誰人怒劍逐青蠅

紙屏石枕竹方牀手倦拋書午夢長睡起莞然成獨笑  
數聲漁笛在滄浪

西山彷彿見松筠日日來看色轉新聞說桃花巖石畔  
讀書曾有謫仙人

風搖熟果時聞落雨滴餘花亦自香葉底出巢黃口鬧  
波間逐隊小魚忙

來結芳廬向翠微自持盃酒對清暉水趨夢澤悠悠過  
雲抱西山冉冉飛

矯矯名臣郝翫山忠言直節上元間古人不見清風在  
歎息思公俯碧灣

溪中曾有弋船士  
溪上今無佩犧人  
病守翛然唯坐嘯  
白鷗紅鶴伴閒身

喧逐六月浩無津  
行見沙洲東兩濱  
如帶溪流何足道  
沈沈滄海會揚塵

宋元詩會卷十八

欽定四庫全書

宋元詩會卷十九

兵部主事陳焯編

周惇頤

字茂叔道州營道人以其舅龍圖學士鄭向任為  
分寧主簿有疑獄久不決敦頤至一訊立辦邑人  
驚以為神部使者薦之調南安司理參軍移桂陽  
令治績尤著徙知南昌歷合州判官時趙抃行部  
感謹口臨之甚戚及通判虔州而抃復守虔因熟  
視其所為乃大悟執其手曰吾幾失君今而後始  
知周茂叔也熙寧初為廣東轉運判官提點刑獄  
因病求知南康軍遂家廬山蓮花峯下前有溪合

於溢江乃取營道所居濂溪名之卒年五十七敦  
頤得聖賢絕學發明微言為有宋大儒之冠固不  
係乎名位也

題濂溪書堂

元子溪曰讓詩傳到于今此俗良易化不欺顧相欽廬  
山我所愛買田山之陰田間有清水清澈出山心山心  
無塵土白石照沈沈潺湲來數里到此始澄深書堂構  
其上隱几看雲岑倚梧或欹枕風月盈中襟有時吟復  
默酒罷鳴幽琴數十黃卷軸賢聖談無音牕前即疇圃

圃外桑麻林芋蔬可卒歲絹布足衣衾吾樂蓋易足名  
濂以自箴誰為相朝暮岸木寒蕭森

書牕夜雨

秋風拂盡熱半夜雨淋漓繞屋樹芭蕉一枕高響圍恰似釣磯畔蓬牕睡覺時

靜思篇

靜思歸舊隱日出半山晴醉榻雲籠潤吟牕瀑瀉清得閒方達士失計只勞生朝市誰頭白車輪未曉鳴

贈譚虞部致仕

清時郎望貴白首故鄉歸有子紆藍綬將孫著綵衣松喬新道院鶴老舊漁磯知止自高德寧為遜者肥

遊大林

三月山房暖林花互照明路盤層頂上人在半空行水色雲含白禽聲谷應清天風拂襟袂縹渺覺身輕

宿崇聖院

公程無暇日暫得宿清幽始覺空門客不生浮世愁溫

泉喧古洞晚磬度危樓徹晚都忘寐心疑在沃州

題冠順之道院壁

一日復一日一杯復一杯青山無限好俗客不曾來往事已如此朱顏安在哉寄與地上客歷亂竟誰催

香林別趙閔道

公暇相陪塵外遊朝天仍得送行舟軒車更命入山脚  
旌節且從留渡頭精舍泉聲清灑灑高林雲色淡悠悠  
談終宴罷愁分手明日瞻思上郡樓

同石守遊山

朝士誰知世外遊  
松杉影裏入吟幽  
爭名逐利千繩縛  
渡水尋山萬事休  
野鳥不驚如得伴  
白雲無語似相留  
傍人莫訝凭欄久  
為戀林居作退謀

咏天池

清和天氣年能幾  
短葛輕紗近水涯  
風似相知偏到袖  
魚如通信不驚槎  
笑凭山色傾新甕  
醉傍汀陰數落花  
嘯傲不妨明月上  
一行歸路起栖鴉

觀巴嶽木蓮

仙姿元是華巔裁不向東林治上開嫩蕊曉隨梅雨放  
清香時傍竹風來枝縣縞帶垂金彈瓣落蒼苔墜玉杯  
若使耶溪少年見定拋蘭漿到巖隈

題春晚

花落柴門掩夕暉昏鴉數點傍林飛吟餘小立闌干外  
遙見樵漁一路歸

題大顛壁

退之自謂如夫子原道深排佛老非不識大顛何似者  
數書珍重更留衣

經古寺

琳宮金刹接林巒一徑潛通竹塢寒是處虛埃皆可息  
時清終未忍辭官

江上別石郎中

落葉蟬聲古渡頭沙灘人擁欲行舟別離情似長江水  
遠亦隨君日夜流

趙抃

字閔道衡州西安人進士及第為武安軍節度推官調知崇安海陵江原三縣通判泗州用曾公亮薦為侍御史殿中彈劾不避權倖時稱鐵面御史其言務欲朝廷別白君子小人上為之罷劉沆陳執中等而吳充鞠真卿歐陽修賈黷等或被逐或求去皆賴以名還留任請知睦州移益州轉運使召為右司諫以論樞副陳升之出知虔州復召為御史知雜事改度支副使進天章閣待制河北都轉運使加龍圖閣直學士知成都神宗立召知諫院又謝帝曰聞卿匹馬入蜀以一琴一鶴自隨為政簡易亦稱是乎未幾擢叅知政事力言新法不便懇去位出知杭州改青州以大學士復知成都乞歸知越州復徙杭以太子少保致仕元豐七年薨年七十七謚清獻

寄酬蔡州王陶正言

自顧愚無堪老大何所用得郡江湖來一意雲泉縱驚  
此西南身遠夕東北夢乃知故人念許與明月共荆書  
一紙賢季諾千金重寄我瓊瑤篇使得長諷誦寒松有  
唳鶴高梧有鳴鳳何日謝知音為鼓商絃弄

順風呈范御史

濠州抵泗里數百長淮波平曉如席鳴鼙解綽楊柳堤  
畫船中有東吳客君恩得請許歸去聊治閭里去咫尺

歲窮天遠心欲飛念之汲汲事行役豁如天意適我願  
號令西北起風伯初時淅淅以鼓動布帆尚留十幅窄  
孤檣得勢安以平中流激箭巨浪辟篙橫櫓閣力不用  
疾若驚隼增羽翮督然兩眼瞬霎過木葉馳黃山走碧  
掣舟月餘今一快開樽自歌兩手拍樽中酒空不自歌  
順風好景如之何毗陵太守同此樂為言無惜新詩多

次韻僧重喜聞琴歌

我昔所寶真雷琴絃絲軫玉徽黃金畫橫膝上夕抱寢

平生與我為知音一朝如扇逢秋捨而今只有無絃者  
無情曲調無情聞浩浩之中都奏雅我默彈兮師寂聽  
清風之中明月下子期有耳何處施自笑家風太瀟灑  
次孫直言九日登龍門山

皇祐二年秋九月九日龍門遇佳節新都大夫孫隱之  
報政優游共民悅升山高會賓主俱滿頭黃菊泛茱萸  
遙開醉眼極千里身高氣爽胸懷舒眷言登臨風景異  
澄川秀野如披圖殊方真賞到奇處未來空只誇江湖

嗟我江原忝民長周遭百里平如掌簿書役役甚囚拘  
聞有岷峨無計上及聞治邑茲山奇脚力不到神魂馳  
誰知我亦好山者篋中時復觀君詩

村居

午寢忘譏刺閒居杜送迎雨泥雙燕下煙壠一犁耕座  
入山光迴門連野色平吟餘仍兀坐誰與戰楸枰

曲館

日華烘玉甃煙縷亘雕甍棗熟房櫂暝花妍院落明醉

輕春有味夢短晝無情欲識惜惜意回文織已成

題九仙寺

墜果春三徑蒸雲晚一軒廊腰迴戰蟻山腹合啼猿泉  
淡禽窺影苔深屐印痕自慚名利者聊免世紛喧

向晚

向晚立汀沙人間目更賒林疎僧屋露風轉客帆斜幽  
白孤飛鳥橫紅數抹霞漁翁偶相問憐我宦天涯

春日陪燕會春園亭

為怕三春過因謀數刻狂醉輕欣射中歡甚惜歌長驕  
馬花間繫啼鶯柳下藏前旌歸去晚十里淡風光

和范御史初出都門

牘奏辭三院鄉榮領百城帝恩山嶽重臣命羽毛輕風  
月隨人好江湖照膽清須公贈金玉光照重行行

次韻孔憲山齋

訟簡歲豐盈鈴齋竟日清牕排羣石怪簷擁遠山明古  
木風千葉新鬆雪數莖開樽向幽處餘論見丈情

題靈山寺

我為靈山好登留到日曛巖幽餘暑雪鐘冷入秋雲篇  
詠唯僧助塵煩與俗分明朝入東櫂因得識吾丈

送章少卿提舉洞霄宮

秘館紅塵外瑤京白日邊樽中不空酒琴面已無絃曉  
上朝真閣春耕負郭田優游大自在何處更神仙

暖風

薄袂歌雲散輕盤舞袖低簾疎蕩樓閣塵暗逐輪蹄絮

亂垂楊道香流種藥畦春牕惱閒思一枕杜鵑啼

芳草

翠密駢文雉叢深隱畫輪離披金谷曉寂寞茂陵春古  
渡班荆客長堤走馬人芊芊似袍綠一雨一番新

入蜀江上對月

照不私毫髮波光上下浮明餘到琴淡清極入詩幽忽  
認江湖畫渾疑天地秋閒雲勿輕蔽有客坐孤舟

次韻李元芳秀才秋日旅懷

節物奚為感秋懷不自任曉寒侵遠夢秋力助高吟薄  
脫驚風葉疎春隔水砧商絃調一曲惟子定知音

憶信安五弟

冊

臘殘鶲鵠洲邊過憶汝東吳住舊廬誦聖窮愁千卷外  
覓官留滯十年餘也知失意能平氣底事多時不寄書  
兄在松溪我荆楚別懷三處一欷歔

初入峽

峽江初過三遊洞天氣新調二月風樵戶人家隨處見

仙源雲路有誰通峯巒壓岸東西碧桃李臨波上下紅  
險磧惡灘各幾許晚停征櫂問漁翁

同萬州相里殿丞遊溪西山寺

使君呼客入山行曉徑前驅照彩旌蠻女背樵巖側避  
野僧攜刺馬頭迎千層雲水迷三峽一闊人煙認百城  
樓閣凭餘清我聽竹風蕭瑟澗泉鳴

寄永倅周

惇頤

虞部

君去濂溪湖外行倅藩仍喜便鄉程九疑南向參空碧

二水秋臨徹底清詩筆不閒真吏隱訟庭無事見民情  
霜鴻已到衡陽轉遠緒憑誰數寄聲

寄題劉詔寺丞濫泉亭

泉名從古冠齊丘獨占溪心湧不休深似蜀都入海眼  
勢如吳分起潮頭連宵鼓浪搖明月當暑迎風作素秋  
亭上主人留我語只將塵事指浮沤

過鐵山鋪寄交代吳龍圖

暫留山驛又晨興西望旌麾想舊朋三院筆簪曾對直

兩川兵印復交承年光頭鬢華如雪世態心情冷似冰  
境上憑詩馳遠意青泥蚤晚入雲燈

過左縣偶成

東南再守二年間自杭徙青從蜀何須問險艱入覲已違龍  
尾道出麾還過鹿頭闢與民共約三春樂顧我都忘兩  
鬢斑歲滿乞骸何處好仙棋一局爛柯山

鈴兵王閣使素芳亭賞梅花

素萼清香並酒卮主人勤意囑留詩為蓬蜀國新聞日

卻憶江南舊賞時春蚕未通桃李信臘殘都放雪霜姿

先公舊植亭欄外肯構重來見本枝

先司空鉉兵日始創是亭閣使復繼

其職是謂有子矣

次韻程給事寓越廨宇有懷

越郡江南盡不如樂天流語信非疎人從鎖閨中間出  
宅在蓬萊向上居言念玉符分鎮日卻思瓊苑拜恩初  
臨風又辱詩筒寄足見優游刃有餘

武林即事寄程給事

二首

乞得錢塘下九天徙從青社復三川坤維一往萬餘里  
吳分重來七八年鑑水坐遙懷舊治柯峯歸晚愧前賢  
東州賴有微之約曾寄詩筒遞百篇

七十隨緣豈有由樂天曾不厭杭州青山未隱如千里  
白首重來又九秋月窟仙人遺桂子海門神物助潮頭  
自慙老子無心力坐鎮吾民靜即休

次韻即事見懷

鑑水寬閒稱越國河塘繁劇是杭州蓬山君繼元丞相

竹馬子慚郭細侯郡邑豐穰真可喜人家飽煖更何憂  
西陵隔岸無多遠數上臨江百尺樓

次韻前人蓬萊閣即事

蓬萊牕外曉光分夢覺初驚杜宇魂但有吏供衙府諾  
斷無人到訟庭喧濛濛宿靄開湖面隱隱更潮過海門  
一水兩州皆重鎮越清杭劇不同論

上天竺寺石巖花

對植齊開古梵宮欲求精筆畫難工直將春占三旬盛

誰謂花無十日紅未羨山桃資客笑且陪庭栢作家風  
徧尋他處都無此寶殿前頭只兩叢

謝許少卿寄臥龍山茶

越芽遠寄入都時酬唱珍誇互見詩紫玉叢中觀雨脚  
翠峯頂上摘雲旗啜多思爽都忘寐吟苦更長了不知  
想到明年公進用臥龍春色自遲遲

送鴈蕩將抵溫州寄太守石牧之

霜風雙鬢雪鬟鬟物外尋真頓離凡子舍若非叨別乘

我車安得到靈巖碧窺秋瀑心同洗紅嘴山杞口似饑  
多謝賢侯見招意數貽嘉詠與珍函

題運判霍交瞻岷閣

閣外風光滿意新諸公同上看梁岷蜀天六月雲如水  
梵界千峯雪似銀巖叟近傳多得壽羽人曾此數登真  
夫君不為神仙事早夜孜孜澤遠民

題府庭海搜

海榎根幹出枅櫚雙勢凌空劍外無長鎖荆榛嗟廟栢

不禁風雨笑庭梧  
神僧遇識已千歲  
蜀守來觀只兩株  
離立峩峩同壯士  
側身東望拱皇都

次蘓宋遊學射山

錦川風俗喜時平  
上巳家家出郡城  
射圃人稠喧畫鼓  
龍湫波淨照紅旌  
迎真昔詫登天虎  
命侶今聞出谷鶯  
勉為遠民同樂事  
使臺仍是得賢明

遊青城山

三十六峯峻維岷  
在蜀奇方行刺史  
部重欵丈人祠  
凍

雪諸蕃隔晴雲六面披訪山窮寶洞

山有寶仙第五回昔授龍之所

敕

鬼觀豐碑泉落寒崖響蘿依古木垂良工存舊筆

青城

悉孫知微名畫老叟琢新詩陟險齊雙屐逢幽鼓七絲盤桓不

忍去還作更來期

初入荊江

迢遞辭宸闕遷延換歲華舟纔入荊渚人覺在天涯浪  
濺多推岸流濡足沸沙勢盤帆小便漲淺路頻差橫艇  
又魚浦搖旗賣酒家山微因念越汪窄止通巴煙色汀

薰淡風光野燒斜  
蠻歌朝競唱  
祠鼓暮連撾  
渡口初分柳林邊  
未見花前程春始盛  
一一待詩誇

庭楠

彼美庭楠植基培  
幾十年夜來全庇月曉去薄生煙萬葉光  
齊動雙株影共圓  
幽棲疑有鶴清響為留蟬飲對傳三雅  
琴依按七絃河陽花自媚  
彭澤柳空眠勢翳門闈  
靜幽侵几案鮮不才逢訟簡吟遼強成篇

書院

雨久藏書蠹風高老屋斜隣居盡金碧一一梵王家

和宿峽石寺下

淮岸浮圖半倚天山僧應已離塵緣松闌暮鎖無人蹟  
惟放鐘聲入畫船

賞春亭

滂葩浩豔滿亭隈當席芳樽醉看來始信君恩不私物  
亂山窮處亦花開

柳軒

動入和風靜惹煙翠條疎處露池蓮林中盡是能吟物  
春有黃鸝夏有蟬

徐積

字仲車山陽人孝行出於天稟三歲父死旦旦求之甚哀長從胡翼之學啜菽飲水有餽之食者却弗受應舉入都不忍捨其母徒載而西登進士第同年生入拜其母致百金為壽辭之以父名石遇石則避而不踐母死七日不食廬墓三年雪夜伏墓側哭不絕聲學士過其廬聞而泣下曰使鬼神有知亦當垂淚也年過五十以耳疾不能出仕元祐初用廷臣交薦授楚州教授遷和州防禦推官卒賜謚節孝官其一子

濉陽婦

嘗聞唐李氏世號為賢妻以力營七喪世或難庶幾孰知蔡家婦其事乃同之豈特在中饋無非而無儀孝盡於所尊慈盡於所卑既知義所在能終義所為我生至此極我嫁逢百罹其屬死殆盡其骨俱無歸身為未亡人心乃真男兒謂責當已任無忘須臾時乃損奉生具而為送亡資面不近膏沐首不加冠笄金珠鬻於市丈繡容何施更無囊中裝惟存身上衣甚將截其髮幸苟

完其肌所得益良苦所積從細微一舉十八喪身自沾  
塗泥居者歎於室行者泣於歧烏亦助號咷人願操鋤  
犁冥冥長夜魂所獲喜可知吾聞古列女犖犖無甚奇  
一死猶易處一節亦易持至於張氏者使人尤歎歎誰  
為孝婦傳誰為黃絹碑亦有淮上翁為作灘陽詩移書  
太史氏勿令茲逸遺

江南春

今年是處春風早江南地暖春逾好春風次第入江山

先入梅花既芳草芳草春深似有情直共江山到洞庭  
落花流水武陵道湖中有山春更青斜陽西落一黠明  
少年莫上岳陽城

述懷寄呂師

試眺關西山壁立春雲突盡長空窄濃嵐滴去渭川寒  
孤峯深入秦天碧白雲流水豈無情立馬吟詩定相憶  
且倩東風先寄聲我整西裝期已迫吟到秋風客放歸  
歸時待作瀟湘客

送王潛聖

公車待報凡幾年蕭生罷去心浩然鹽瀆野中尋舊隱  
楊子江頭呼渡船太湖波浪溼秋天洞庭橘柚生紅煙  
馬踏新霜吳嶺外猿啼小雪建溪邊關西夫子雖遲暮  
行笑行吟正安步蜀川海上牧羊兒解說公孫放豚處

姚黃

并序

紫霄漫翁李道源見約分吟姚黃余畏其才不敢措  
筆不得已而後塞命因為之序曰天下壯丹九十餘

種而姚黃居第一其名雖千葉而實不可數或累計萬有餘英不然不足高一尺也花肉既重其稍下屈如一罈欹側之狀此亦花之巨美而精傑者乎是宜見於詩而不可泯然使寂寂也

黃河南畔伊川北姚家宅是真花窟古來多少豪奢兒  
埋却千鶯萬鶯骨中央精粹得之多西方秀氣來相和  
天與明光常借日水宮暗脈正通河春風如酒半酣時  
誰教穀雨報花期司馬坂前嬌半啟洛陽城內人俱知

姚家門巷車馬填牆頭牆下人差肩花上紅綃都蔽日  
花傍翠幕恰如煙玉面兒來爭供帳錦袍郎去鬪拋錢  
無人不說姚花好費却春功亦不少日長風暖綠梢低  
坐上金仙困將倒麴塵餅剷和香檀何以貯之承露盤  
爛錦脫來嫌太艷鮮衣染就欲驂鸞君看此花肌肉豐  
一尺餘高千萬重妝面深藏青步障寶冠斜墮碧霞叢  
步搖好稱釵鳳凰玉環犀珮珠鳴璫帝女何緣心好道  
阿嬌安用金為房紺窠累樓舒鴈雛沈煙噴出狻猊爐

一種養成餘意態千花瘦盡春肌膚峨峨一颯欹且傾  
覆杯難辨鍾與觥染以鮫綃求正色叩之玉挺希宮聲  
魏家紫共牛家碧迭霸花中聳高格如今俛首甘下風  
九十種中為第一此花莫似武昭儀出得宮來不畫眉  
情貌欲為狐媚態衣裳却是比丘尼楊妃本是傾國身  
脫却紅襦號太真河水欲濡頭上髻馬嵬猶著舊時裙  
物色一定猶可疑人心作變宜難知容易莫評真與欺  
貌或如是心或非君不見老莊有深意萬物之中最防

偽

贈張敏叔

張子生平最多難未老頭毛白一半頭雖更白詩更清  
正作詩時人莫喚頭不肯轉身不移口中聲調霜風淒  
太清宮殿月明時第一莫吹松竹詞

答范君錫

報漫翁無錢可沽酒青衫典不得黃卷賣不售借問公  
田中秫米種幾斗休管將來旱與水莫為妻兒種粳米

兄來留下二萬錢送與酒家主人未不然何計見春風  
空將花挿白頭翁簿書營營幾時了何如載酒訪揚雄

哀哀詞

哀哀復哀哀哀哀至此極孤兒與慈母中路忽相失恍  
惚須臾間終日不復得誰復坐我堂誰復入我室誰復  
飲兒酒誰復哺兒食兒饑復誰念兒寒復誰恤耳不聞  
慈語目不見慈色譬如行路人日遠如一日行人猶可  
期遠道猶可追天窮地盡處一日猶可歸哀哀復哀哀

此去無盡時誰言生離別不如死別離君不見人已閉  
門烏已棲黃昏塚畔孤兒啼

富貴篇答李令

我有一箇詩寫出千年意將令後世觀不是前言戲感  
君再唱洞庭謠我亦重歌酬子惠古人達者嘗有異姓  
王一門五侯三將軍弟兄同入中書堂對開大第連幾  
坊私門列戟森鋒鎚十二簾捲珠熒煌雙姬扶起坐牙  
牀綠鬟紅袖花成行左盼右顧生春陽高車食客劖佩

鏘堂上已滿坐兩廊巨餽大鼎烹牛羊玉壺把酒金船  
長美人拜客求盡觴歌姬一誤已絕吭纏頭彩幣堆如  
岡酬歌買笑金駕鶯奴袍火浣直兩箱三千廄馬紅錦  
障廁幃文繡爐熏香更衣侍妾如閨房主人意氣秋膺  
揚其心端如彩鳳凰一言合意青雲翔須臾睚眦磨刀  
鎗門前臘月可烘裳一日失勢成冰隍小者腰領屍道  
旁大者連頸宗族亡犬鷄散盡空遺牆野鳥入室山魈  
藏嗚呼哀哉可歎傷至死不悟猶陸梁古來如此有多

少豈似洞庭湖上老無租無稅一生閒有飯有魚一杯  
飽日落波間煙正昏雲開湖口山光曉櫂翁適自巴陵  
迴掛帆直指瀟湘道有言不問俗窮通何憂可入翁懷  
抱修竿短櫂已自足更有前村一茅屋賣魚沽酒任醉  
醒繡戶朱門自歌哭嗟余未往心先慕更謝櫂翁詢去  
住風前月下有誰知醉魄吟魂自來去堂前畫作荆南  
圖夢中記得巴陵路

送端叔

并序

夜漏將盡枕上再送端叔也洛水之陽馬上為我誦此詩即此詩用木葉書授之水中便為將來故事也延安塞上見羣鴈能為我誦此詩東南望否夜中枕上聞孤鴈聲尤數數誦此詩也紙窮意未盡

端叔上馬去巷口馬頭轉我喚端叔時端叔急回面記取此時意莫使落風埃上東門外水正望楚州來此水一來不復見不及黃沙塞頭鴈

送李昂長官

征南兵勢欲平蠻軍聲殺氣秋風寒南國此時霜霰早  
八月草黃楓葉丹江有渚兮山有麓君向洞庭何處宿  
四垂天幕亂波平九嶷山送愁嵐綠日斜葉落黃陵祠  
月明風起清湘竹愁娥遠放峽雲來冤臣暮借江聲哭  
鴈號孤喙度蒼梧猿叫哀腸抱霜木此行正合風騷情  
縣衙仍在衡山足

柳絮

二首

君看青絲藥開花便棄捐臨風競離別就地忽團圓孤

客正心亂浮雲來馬前灞橋逢杜甫老淚更潸然  
長條徒自重狂絮去何之禁籞穿花樹春江撲酒旗因  
風無定意著物有閒時謝韞何為者深情在雪詩

寄張景修

東南未回客行樂又經年吳市花朝酒松江月夜船窮  
閭無屋住廣殿有詩傳若論平生事無如任自然

漁者

家住前村蘆葦中一生無事是漁翁眼看波浪如平地

身向江湖若斷蓬小艇醉眠寒夜雨短帆閒掛夕陽風  
營營市井應相笑不道刀錐盡是空

送倪敦復

手持報簡人歸後足步迴廊角住聲但恐舟行隨早晚  
此時秋色半陰晴明朝路向雲邊望今夜詩須枕上成  
四壁無燈窗有月直無老夢到三更

夜賞春寄敦復

莫道山陽官辛苦大夫未是不聞人畫來琴上披尋曲

夜入花間點檢春忙袂帶歸香滿袖迴燈引去蝶隨身  
高才自有風流格吟作吳謠事最新

寄路倅洪澤阻水

莫教容易過龜山多少人心願復還更有南城黃綬客  
但吟西戶綠楊間纔經濁汴無澄浪且趁清淮洗醉顏  
安得就公歌一曲緩吟遲步夕陽灣

華陽山和查教授

玉井溫溫浸月華憧憧松檜聳高牙半峯已斷人間路

絕頂自開天上花可恨白雲吟處起何堪行路望中賒  
怪來得似希夷子借問如今有幾家

寄穎叔

南郭茶杯菊未香西簷老柳覺疎黃家無縣令雙鳬鳥  
夢有仙人五色羊梅信易傳來嶺北鴈書難附過衡陽  
定知遠俗懷公義若說威名背負芒

鮮于侁

字子駿閩州人性莊重力學舉進士為江陵司理  
參軍同里唐介稱其名于上官交章論薦調熙寧

通判綿州以廉幹著從何鄰辟發判永興神宗詔求直言侁陳十六事神宗愛其文除利州路轉運判官上書論時政譏切王安石安石屢毀之賴上知得免凡居鄆九年徙京東西路為轉運使元豐二年召對命知揚州為舉吏所累罷主西京御史臺哲宗立復以侁使京東士民相慶如見慈母召為太常少卿議配享神宗力主富弼拜左諫議在職三月以疾求去知陳州年六十九侁刻意經術尤長於詩詞源明復蘇子瞻皆嘆服以為不可及云

## 雜興

三首

幽居觀物變天道固虛盈炎歠日方熾微陰一已生涼  
風動野草桃李先飄零蜩螗集高柳絡緯響空庭愁心

獨耿耿宵夢竟難成

一氣幹元造為功未嘗煩羣生自委化天地亦何言  
見脰不可增楮葉不可鐫欲益固為損勞心非自然不見  
平陽侯醇酒聊終年

三王貴養老取重在乞言酒醴副佳肴黃髮斯皤然朝  
廷本忠厚風俗亦變遷豈意漢道微侍中惟少年耆舊  
無備問李公所以歎

新堂夜月色皎然由連理亭信步庭中徘徊久之

因為五言一首

秋風動微涼天雨新  
霽後閒齋獨隱几  
明月在高柳振衣步  
庭下顫氣入襟袖  
天空雲漢明隱約  
辨列宿蒼蒼松檜上  
零露霏欲流脫葉滿  
閒園繁華迨衰朽  
清宵望蟾影宜付一杯  
酒多病謝樽罍城頭轉寒漏

王回

字深甫福州侯官人敦行孝友質直平恕而不為小廉曲謹以希舉舉進士為衛真簿稱病自免退居潁州久之不仕治平中擢忠武軍節度推官知南頓縣命下而卒其弟向字子直亦有文名

悠悠西江水送李殿丞

有序

殿中丞李侯清叔筦穎之酒事三年入朝闕下將別  
其往還寮友皆索言焉長樂王回辱清叔之交最深  
而慕其才志魁特將有以成功名於世也以謂挾此  
才潛此志者第循其本而完之則物之應者自廣然  
功名之成否豈足道哉故作悠悠西江水詩一章以  
興其義塞清叔之索而聊寫其意云

悠悠西江水浩浩拍兩涯深淵食淵潭澄澄露陂池介

鮮育性命跳沫各適宜人謀濟任途航楫又沿洄飄風  
吼天地白浪相翻逐旁觀駭非常水德自不虧風收浪  
還恬狎者終何疑賢豪應世務有本亦若茲剛明發其  
用愷悌以成之外物雖橫來我心固如夷功名豈足道

請監江水詩

邢居實

字叔夫隨州人負俊才早世

黃魯直極稱其詩有呻吟集


寄陳履常

十年客京洛衣袂多黃塵所交盡才彥惟子情相親會  
合能幾日歡樂何遽央春風東北來飄我西南翔驪駒  
已在門白日行且晚停觴不能飲將去更復返把腕捋  
鬚鬢悲啼類兒女人生非鹿豕安得常羣聚朝別河上  
梁幕涉闊山道匹馬逐飛蓬離恨如春草去去日已遠  
行行淚橫臆昨日同袍友今朝離鄉客來時城南陌始  
見梅花白回首漢江頭黃梅已堪摘杖策登高城極目  
迴千里落日下青山但見白雲起遠望豈當歸長歌涕

如雨歸心如明月  
幽夢過頽汝抱膝  
長相思故人安可見  
忽枉數行書彷彿如對面紛紜輦轂下冠蓋爭馳逐  
吹噓多賢豪肯復念幽獨空齋聽夜雨深竹聞子規此  
情不可道此心君詎知

雨後出城馬上作

既雨天氣佳微雲淡如掃欲尋煙際鐘騎馬河邊草紫  
椹飽黃鸝人家夏蠶老田婦踏繅車隔籬語音好嗟我  
一何愚讀書浪枯槁不及此中人終年客長道



宋元詩會卷十九